

PRETORIA CHRISTEN GEMEENTE

GELOOFSBELYDENIS

Die ouerlinge van Pretoria Christen Gemeente erken dat die Bybel die enigste ware Woord van die Lewende God aan die mens is. Ons bevestig ons diepe verbintenis tot hierdie Woord en die waarhede daarin vervat en sal die Skrif eerlik en met ywer bestudeer en verkondig.

Die kern-onderrig van Pretoria Christen Gemeente is dus die deurlopende oordra van Bybelse waarhede aan Christen-gelowiges sodat hulle God deur aanbidding en evangeliebediening kan ken en dien.

INHOUD

1.	DIE WOORD VAN GOD	3
2.	GOD.....	3
2.1	God die Vader	3
2.2	God die Seun	4
2.3	God die Heilige Gees	5
3.	DIE MENS	6
4.	REDDING/VERLOSSING	7
4.1	Wedergeboorte.....	7
4.2	Uitverkiesing	8
4.3	Regverdigmaking.....	8
4.4	Heiligmaking.....	8
4.5	Sekuriteit/Sekerheid	9
4.6	Skeiding van sonde.....	9
5.	DIE KERK.....	10
5.1	Die gesag oor die kerk en leierskap in die kerk	10
5.2	Die ontstaan en samestelling van die kerk.....	10
5.3	Die rol en doel van die kerk.....	11
5.4	Praktiese toepassing van die rol en doel van die kerk	11
5.5	Die funksie van gawes in die kerk	12
5.6	Die ordinansies van die kerk (doop en nagmaal)	12
6.	ENGELE.....	12
6.1	Heilige engele.....	12
6.2	Gevalle engele.....	13
7.	DIE EINDTYD/ESKATOLOGIE.....	13
7.1	Die dood	13
7.2	Die groot verdrukking	13
7.3	Die tweede koms en die duisendjarige vrederyk	14
7.4	Die oordeel van die verlorenes	14
7.5	Ewigheid	15
8.	HUWELIK	15
9.	HOE OM 'N SLAAF VAN CHRISTUS TE WORD	16
9.1	Wedergeboorte.....	16
9.2	Bekering	16
9.3	Hoe lyk ware reddende geloof	16

1. DIE WOORD VAN GOD

Ons verkondig dat die Bybel God se geskrewe openbaring aan die mens is (1 Kor 2:1-14) en dat al 66 boeke van die Bybel deur die Heilige Gees geïnspireer is (2 Tim 3:16-17; 2 Pet 1:20-21).

Ons verkondig dat die Woord van God 'n objektiewe, propositionele openbaring (1 Thes 2:13; 1 Kor 2:13), woordeliks geïnspireerd (2 Tim 3:16) en 'n absoluut onfeilbare Godegewe oorspronklike dokument is. Ons verkondig die letterlike grammatis-historiese interpretasie van die Skrif. Daardeur word bevestig dat die skepping letterlik in ses dae plaasgevind het soos in die eerste hoofstukke van Genesis aangedui. (Gen 1:31; Eks 31:17). Ons verkondig dat die Bybel die enigste onfeilbare basis vir geloof en aanbidding is (Matt 5:18; 24:35; Joh 10:35; 16:12-13; 17:17; 1 Kor 2:13; 2 Tim 3:15-17; Heb 4:12; 2 Pet 1:20-21). Hierdie woord is genoegsaam as 'n bron van waarheid vir die Christelike lewe (2 Tim 3:16-17). Dit bevat alles wat nodig is om te weet oor hoe om gered te word en 'n goddelike lewe te lei (2 Pet 1:3).

Ons verkondig dat God in Sy geskrewe Woord deur 'n proses van gedeelde outeurskap spreek. Die Heilige Gees het die outeurs so geleid dat hulle met hul individuele persoonlikhede en skryfstyle die hele Woord van God aan die mens (2 Pet 1:20-21) sonder enige foute verwoord het (Matt 5:18; 2 Tim 3:16).

Ons verkondig dat alhoewel daar verskeie sienings oor enige gegewe teks kan wees, daar net een ware interpretasie is. Insig in die Skrif word verkry deur die gereelde toepassing van die letterlike grammatis-historiese metode onder leiding van die Heilige Gees (Joh 7:17; 16:12-15; 1 Kor 2:7-15; 1 Joh 2:20). Dit is die verantwoordelikheid van Christen-gelowiges om die Skrif versigtig te ontleed om die ware bedoeling en betekenis vas te stel, sodat die korrekte uitleg na toekomstige geslagte oorgedra kan word.

2. GOD

Ons verkondig dat daar net een ware en lewende God is (Deut 6:4; Jes 45:5-7; 1 Kor 8:4); 'n alomteenwoordige, alwetende Gees (Joh 4:24), volmaak in al Sy eienskappe, wat bestaan uit drie persone, Vader, Seun en Heilige Gees (Matt 28:19; 2 Kor 13:13¹); wat as eenheid aanbid en gehoorsaam moet word.

2.1 God die Vader

Ons verkondig dat God die Vader, die eerste persoon van die Drie-Eenheid, oor alle dinge volgens Sy wil en genade beskik (Ps 145:9-10²; 1 Kor 8:6). Hy is die skepper van alle dinge (Gen 1:1-31; Ef. 3:9). As die enigste en almagtige

¹ 2 Kor 13:14 in Engelse vertalings

² Ps 145:8-9 in Engelse vertalings

Heerser van die heelal is Hy soewerein in Sy skepping, voorsiening en verlossing (Ps 103:19; Rom 11:36). Sy Vaderskap behels beide Sy plek in die Drie-Eenheid en Sy verhouding met die mensdom. As Skepper is Hy die Vader van alle mense (Ef 4:6) maar die Geestelike Vader van net alle Christengelowiges (Rom 8:14; 2 Kor 6:18). Alles gebeur volgens Sy wil (Ef 1:11). Hy onderhou en lei alle lewe en gebeure en heers voortdurend daaroor (1 Kron 29:11). Omdat Hy soewerein is, is Hy nie die skepper van sonde nie en keur dit ook nie goed nie (Hab 1:13; Joh 8:38-47). Hy staan onpartydig wanneer morele, intelligente mense vir hul dade tot verantwoording geroep word (1 Pet 1:17). Voordat die wêreld geskep is, is die uitverkorenes reeds deur Hom uitverkies om heilig en onberispelik voor Hom te wees (Ef 1:4-6). Hy red almal van sonde wat in Hom glo en wat deur Jesus Christus na Hom toe kom. Hy is Vader vir almal wat na Hom toe kom en neem hulle aan as Sy eie (Joh 1:12; Rom 8:15; Gal. 4:5; Heb 12:5-9).

2.2 God die Seun

Ons verkondig dat Jesus Christus die tweede persoon van die Drie-Eenheid is. Hy beskik, soos die Vader, oor al die Goddelike magte en is ewig en in wese soos die Vader (Joh 10:30; 14:9). Hy en die Vader is een.

Ons verkondig dat God die Vader alles geskep het na Sy wil deur Sy seun Jesus Christus, deur wie alles voortbestaan en onderhou word (Joh 1:3; Kol 1:15-17; Hebr 1:2). Ons verkondig dat, met die vleeswording (God word mens), Christus net die voorreg van Sy Godheid prysgegee het maar nie Sy Goddelike essensie nie. Met Sy vleeswording het die tweede persoon van die Drie-Eenheid al die menslike eienskappe aangeneem en so aan die mens gelyk geword (Fil 2:5-8; Kol 2:9).

Ons verkondig dat Jesus Christus mensheid en Godheid in 'n ondeelbare eenheid is (Miga 5:1³; Joh 5:23; 14:9-10; Kol 2:9).

Ons verkondig dat Jesus Christus uit 'n maagd gebore is (Jes 7:14; Matt 1:23, 25; Luk 1:26-35), dat Hy God is wat vlees geword het (Joh 1:1, 14) en dat die doel van die vleeswording was om God aan die mens te openbaar, die mens te verlos en oor die koninkryk van God te heers (Ps 2:7-9; Jes 9:5⁴; Joh 1:29; Fil 2:9-11; Hebr 7:25-26; 1 Pet 1:18-19).

Ons verkondig dat die tweede persoon van die Drie-Eenheid, Jesus Christus, met die vleeswording Sy plek om volle deelname aan die Godheid ter syde gestel het deurdat Hy vleeslikheid tot Sy Godheid bygevoeg het en so Homself nooit van Sy Goddelike eienskappe gedistansieer het nie (Fil 2:5-8).

³ Miga 5:2 in Engelse vertalings

⁴ Jes 9:6 in Engelse vertalings

Ons verkondig dat Jesus Christus ons deur die vergieting van Sy bloed met Sy offerlood aan die kruis verlos het. Hy was ons vrywillige plaasvervanger en bemiddelaar. (Joh 10:15; Rom 3:24-25; 5:8; 1 Pet 2:24; 3:18).

Ons verkondig dat, op grond van die betekenis van die dood van Jesus Christus, die gelowige sondaar vry sal wees van oordeel en straf, en eendag ook vry van die teenwoordigheid van sonde; dat die gelowige sondaar deur Jesus Christus regverdig verklaar is, die ewige lewe verkry het en in God se familie opgeneem is (Rom 3:25; 5:8-9; 2 Kor 5:14-15; 1 Pet 2:24; 3:18).

Ons verkondig dat ons regverdigmaking deur Sy letterlike, fisiese opstanding uit die dood verseker is en dat Hy na die hemel opgevaar het en aan die regterhand van God die Vader sit vanwaar hy as Middelaar, Regter en Höëpriester vir ons optree (Matt 28:6; Luk 24:38-39; Hand 2:30-31; Rom 4:25; 8:34; Heb 7:25; 9:24; 1 Joh 2:1).

Ons verkondig dat deur die opstanding van Jesus Christus uit die graf het God die Goddelikheid van Sy Seun bevestig en die versoeningsdaad van Christus aan die kruis aanvaar. Jesus Christus se liggaamlike opstanding is dan ook 'n waarborg van 'n toekomstige opstanding van alle Christen-gelowiges (Joh 5:26-29; 14:19; Rom 1:4; 4:25; 6:5-10; 1 Kor 15:20, 23).

Ons verkondig dat Jesus Christus met die wegraping sal kom om die kerk, Sy liggaam, te ontvang en om Sy duisendjarige koninkryk op aarde te vestig (Hand 1:9-11; 1 Thess 4:13-18; Op 20).

Ons verkondig dat Jesus Christus die een is deur wie God die volgende groepe mense sal oordeel in die toekoms (Joh 5:22-23).

1. Christen-gelowiges (1 Kor 3:10-15; 2 Kor 5:10).
2. Lewende inwoners op die aarde met Sy glorieryke terugkoms (Matt 25:31-46).
3. Ongelowige gestorwenes voor die groot wit troon (Op 20:11-15).

Ons verkondig Jesus Christus as die Middelaar tussen God en die mens (1 Tim 2:5), as die hoof van Sy liggaam, die kerk (Ef 1:22; 5:23; Kol 1:18), en die komende alleenheersende Koning wat op die troon van Dawid oor Sy koninkryk sal heers (Jes 9:6; Luk 1:31-33). Hy sal die finale oordeel fel oor almal wat nagelaat het om hul vertroue in Hom as Heer en Verlosser te stel (Matt 25:14-46; Hand 17:30-31).

2.3 God die Heilige Gees

Ons verkondig dat die Heilige Gees ewig en Goddelik van aard is en Goddelike eienskappe het, naamlik alwysheid (1 Kor 2:10-13), emosie (Ef 4:30), Sy eie wil (1 Kor 12:11), ewige Gees (Heb 9:14), alomteenwoordigheid (Ps 139:7-10), alwetendheid (Jes 40:13-14), almagtigheid (Rom 15:13) en regverdigheid (Joh

16:13). Die Heilige Gees besit al die Goddelike eienskappe en daarom is Hy een in wese met die Vader en die Seun (Matt 28:19; Hand 5:3-4; 1 Kor 12:4-6; 2 Kor 13:13⁵; Jer 31:31-34; Heb 10:15-17).

Ons verkondig dat dit die werk van die Heilige Gees is om die Goddelike wil oor die hele mensdom te laat geskied. Ons erken Sy soewereine werk in die skepping (Gen 1-2), die vleeswording (Matt 1:18), die geskrewe openbaring van die Woord (2 Pet 1:20-21) en die wedergeboorte en redding (Joh 3:5-7).

Ons verkondig dat die Heilige Gees se werk in die kerk begin het vanaf die totstandkoming van die kerk met die uitstorting van die Heilige Gees toe Hy van die Vader gekom het soos deur Christus beloof (Joh 14:16-17; 15:26) om Sy kerk (Sy liggaam) op aarde te vestig (1 Kor 12:13). In breë trekke sluit Sy Goddelike werk in om die mensdom oor sonde te oordeel, om Jesus Christus te eer en te verheerlik en om gelowiges na die beeld van Christus te verander (Joh 16:7-11; Hand 1:5; 2:4; Rom 8:29; 2 Kor 3:18; Ef 2:22).

Ons verkondig dat die Heilige Gees tydens die wedergeboorte en doop van gelowige Christene die bonatuurlike en soewereine werker in die liggaam (kerk) van Christus is (1 Kor. 12:13). Die Heilige Gees woon, rig en bemagtig diesulkes vir diens en bewaar hulle tot die dag van oordeel (Rom 8:8-9; 2 Kor 3:6; Ef 1:13).

Ons onderrig dat die Heilige Gees die Goddelike onderwyser was wat die apostels en profete in waarheid gelei en verbind het tot die skryf van God se openbaring, die Bybel. Vanaf die oomblik van redding beskik elke Christengelowige oor die inwonende teenwoordigheid van die Heilige Gees en dit is die plig van almal wat deur die Gees wedergebore is om in die Gees te wandel (Gal 5:16, Joh 16:13; Rom 8:9; Ef 5:18; 2 Pet 1:19-21; 1 Joh 2:20-27).

Ons verkondig dat die Heilige Gees geestelike gawes aan die kerk toereken. Die Heilige Gees verheerlik nie Homself of Sy gawes deur opsigtelike vertoon nie, maar Hy verheerlik Christus deur die verlossing van die verlorenes en die opbou van gelowiges in die Christelike geloof (Joh 16:13-14; Hand 1:8; 1 Kor 12:4-11; 2 Kor 3:18).

Ons onderrig dat God die Heilige Gees soewerein is in die uitdeel van al sy gawes vir die vervolmaking van Sy hedendaagse uitverkore wordverkondigers en dat die spreek in tale en doen van wonderwerke in die begindae van die kerk net daar was om die apostels te bekragtig as werklike verkondigers van die Goddelike waarhede en dat dit nie bedoel was om kenmerkend van die lewens van Christengelowiges te wees nie (1 Kor 12:4-11; 13:8-10; 2 Kor 12:12; Ef 4:7-12; Heb 2:1-4).

3. DIE MENS

Ons verkondig dat God die mens na Sy beeld en gelykenis geskape het. Die

⁵ 2 Kor 13:14 in Engelse vertalings

mens is sonder sonde, met rasionele intelligente denke en 'n morele verantwoordelikheid teenoor God geskape (Gen 2:7, 15-25; Jak 3:9).

Ons verkondig dat God se bedoeling met die skepping van die mens was dat die mens God sou verheerlik, Sy gemeenskap sou geniet en sy lewe na die wil van God sou leef. Hierdeur wou God Sy wil met die mens op aarde volbring (Jes 43:7; Kol 1:16; Op 4:11).

Ons verkondig dat, deur Adam se sonde van ongehoorsaamheid aan die wil van God, die mens sy onskuld verloor het en blootgestel is aan die straf van die fisiese en geestelike dood; aan die toorn van God onderwerp is en inherent korrum en onbekwaam geword het om te kies of te doen wat vir God aanvaarbaar is, behalwe deur Goddelike genade. Met geen mag wat hom in staat stel om homself te red nie, is die mens hopeloos verlore. Die mens se redding is daardeur geheel en al van God se genade deur die verlossingsdaad van Jesus Christus afhanglik (Gen 2:16-17; 3:1-19; Joh 3:3-6; Rom 3:23; 6:23; 1 Kor 2:14; Ef 2:1-3; 1 Tim 2:13-14; 1 Joh 1:8).

Ons onderrig dat, omdat alle mense in Adam is, Adam se sonde van die begin af aan alle mense oorgedra is, met Jesus Christus die enigste uitsondering. Alle mense is dus van nature, deur eie keuse en Goddelike uitverkiesing, sondaars (Ps 14:1-3; Jer 17:9; Rom 3:9-18, 23; 5:10-12).

4. REDDING/VERLOSSING

Ons verkondig dat verlossing geheel en al van God se genade, op grond van die bloed wat deur Jesus gestort is, verkry word en nie deur menslike meriete of werke nie (Joh 1:12; Ef 1:7; 2:8-10; 1 Pet 1:18-19). Die Bybel leer ook dat elke mens 'n verantwoordelikheid het om te reageer op God se oproep om te glo (Joh 3:36).

4.1 Wedergeboorte

Ons verkondig dat die wedergeboorte die Goddelike werking van die Heilige Gees is waardeur 'n geesvervulde lewe en regverdigte natuur geskenk word. (Joh 3:3-7; Tit 3:5). Dit gebeur oombliklik en word alleenlik verkry deur die krag van die Heilige Gees en instrumenteel deur die medewerking van die Woord van God (Joh 5:24), wanneer die berouvolle sondaar, bemagtig deur die Heilige Gees, in geloof tot bekering geleei word. Oprechte bekering word geopenbaar deur werke wat by 'n bekeerde pas. Goeie werke en regverdigte optrede sal die vrug en getuenis van die bekeerde wees (1 Kor 6:19-20; Ef 2:10), en hy sal sy lewe oorgee aan en hom laat beheer deur die Heilige Gees deur gelowige gehoorsaamheid aan die Woord van God (Ef 5:17-21; Fil 2:12b; Kol 3:16; 2 Pet 1:4-10). Hierdie gehoorsaamheid veroorsaak dat die Christengelowige toenemend gelykvormig word aan diebeeld van Jesus Christus (2 Kor 3:18). Hierdie bevestiging bereik 'n hoogtepunt met die Christen-gelowige

se verheerliking met die wederkoms van Christus (Rom 8:17; 2 Pet 1:4; 1 Joh 3:2-3).

4.2 Uitverkiesing

Ons verkondig dat die uitverkiesing 'n daad van God is waardeur Hy, in Jesus, nog voor die grondlegging van die wêreld diegene uitverkies het wat Hy uit genade verlos, vernuwe en verheerlik (Rom 8:28-30; Ef 1:4-11; 2 Thes 2:13; 2 Tim 2:10; 1 Pet 1:1-2).

Ons verkondig dat die soewereine uitverkiesing nie die verantwoordelikheid van die mens wegneem om sonde te bely en op Christus as Verlosser en God te vertrou nie (Eseg 18:23, 32; 33:11; Joh 3:18-19, 36; 5:40; Rom 9:22-23; 2 Thes 2:10-12; Op 22:17). Alhoewel, terwyl soewereine genade die wyse van die ontvangs van die skenking van verlossing, sowel as die geskenk self insluit, sal soewereine uitverkiesing voortspruit uit wat God volgens Sy wil besluit. Almal wat die Vader na Hom toe roep, sal in geloof kom en almal wat in geloof kom, sal deur die Vader ontvang word (Joh 6:37-40, 44; Hand 13:48; Jak 4:8).

Ons verkondig dat die onverdiende gawe wat God aan bedorwe sondaars skenk, nie verwant is aan enige handeling van hul eie nie, ook nie van God se verwagting oor wat hulle uit hul eie wil mag doen nie, maar dat dit alleenlik deur God se soewereine barmhartigheid en genade geskied (Ef 1:4-7; Tit 3:4-7; 1 Pet 1:2).

Ons verkondig dat uitverkiesing nie gesien moet word as net op abstrakte soewereiniteit gebaseer nie. God is werklik soewerein en Hy oefen hierdie soewereiniteit in harmonie met Sy ander eienskappe uit, veral Sy alwetendheid, Sy geregtigheid, Sy heiligheid, Sy wysheid, Sy genade en Sy liefde (Rom 9:11-16). Hierdie soewereiniteit sal altyd God se wil verheerlik in ooreenstemming met sy karakter, soos geopenbaar in die lewe van ons Here Jesus Christus (Matt 11:25-28; 2 Tim 1:9).

4.3 Regverdigmaking

Ons verkondig dat regverdigmaking voor God 'n daad van God is (Rom 8:33) deurdat Hy diegene wat deur geloof in Christus hul sondes bely (Luk 13:3; Hand 2:38; 3:19; 11:18; Rom 2:4; 2 Kor 7:10; Jes 55:6-7), en Hom as soewereine God erken, regverdig verklaar word deur Hom (Rom 10:9-10; 1 Kor 12:13; 2 Kor 4:5; Fil 2:11). Hierdie regverdigmaking staan apart van enige deugde of dade van die mens (Rom 3:20; 4:6) en behels toerekening van ons sondes aan Christus (Kol 2:14; 1 Pet 2:24; 2 Kor 5:21) en die toerekening van God se geregtigheid aan ons (1 Kor 1:30). Hierdeur word God in staat gestel om regverdig en die Regverdigmaker te wees van diegene wat geloof in Jesus Christus het (Rom 3:26).

4.4 Heiligmaking

Ons verkondig dat elke Christen-gelowige, deur regverdigmaking, heilig voor

God is en aanvaar word om heilig te wees en as heilige erken te word. Hierdie heiligmaking geskied oombliklik en moet nie verwarring word met progressiewe heiligmaking nie. Hierdie heiligmaking het te doen met die gelowige se posisie wat hy deur heiligmaking geniet en nie waar hy tans staan nie (Hand 20:32; 1 Kor 1:2, 30; 6:11; 2 Thes 2:13; Heb 2:11; 3:1; 10:10, 14; 13:12; 1 Pet 1:2).

Ons verkondig dat daar ook, deur die werking van die Heilige Gees, 'n progressiewe heiligmaking is waardeur die gelowige progressief vorder vanaf waar hy tans staan na die stand wat hy posisioneel deur heiligmaking geniet. Deur gehoorsaamheid aan die Woord van God en die krag van die Heilige Gees, is die gelowige in staat om toenemend heilig te lewe in ooreenstemming met die wil van God en sodoende meer en meer soos ons Here Jesus Christus te word (Joh 17:17-19; Rom 6:1-22; 2 Kor 3:15-18; 1 Thes 4:3-4; 5:23).

In hierdie verband verkondig ons dat elke geredde gelowige in daaglikse konflik is met die vlees deur sy nuwe lewe in Christus, maar dat daar genoegsaam voorsiening gemaak word vir oorwinning deur die krag van die inwonende Heilige Gees. Die gelowige bly egter dwarsdeur sy aardse lewe teen die sonde stry en hierdie stryd eindig nooit nie. Uitdelging van sonde is nie menslik moontlik nie, maar deur die werking van die Heilige Gees is daar oorwinning oor sonde (Gal 5:16-25; Ef 4:22-24; Fil 3:12; Kol 3:9-10; 1 Pet 1:14-16; 1 Joh 3:5-9).

4.5 Sekuriteit/Sekerheid

Ons verkondig dat alle verlostes in God se reddende krag leef en so vir ewig veilig in Jesus Christus is (Joh 5:24; 6:37-40; 10:27-30; Rom 5:9-10; 8:1; 31-39; 1 Kor 1:4-8; Ef 4:30; Heb 7:25; 13:5; 1 Pet 1:5; Jud 24).

Ons verkondig dat dit die voorreg van Christen-gelowiges is om hulle te verbly in die versekering van hul redding deur die getuenis in God se Woord. Die Woord verbied ons egter om ons vryheid as geleentheid te gebruik om sondig en wellustig te lewe (Rom 6:15-22; 13:13-14; Gal 5:13, 25-26; Tit 2:11-14).

4.6 Skeiding van sonde

Ons verkondig dat die distansiëring van sonde dwarsdeur die Ou en Nuwe Testament beklemtoon word en dat die Skrif duidelik aantoon dat afvalligheid en verwêreldliking in die laaste dae sal toeneem (2 Kor 6:14-7:1; 2 Tim 3:1-5).

Ons verkondig dat, uit diepe dankbaarheid vir die onverdiende genade wat God aan ons skenk en omdat ons Almagtige God so waardig is van ons totale toewyding, al die gereddenes so moet leef dat ons nie skande oor ons God en Redder bring nie (2 Sam 12:13-14). Ons verkondig ook dat God ons beveel om ons van godsdienstige afvalligheid en valschede, asook van wêrelde en sondige praktyke, te distansieer (Rom 12:1-2; 1 Kor 5:9-13; 2 Kor 6:14-7:1; 1 Joh 2:15-17; 2 Joh 9-11).

Ons verkondig dat gelowiges hulle met volharding aan ons Here Jesus Christus moet toewy (2 Thes 1:11-12; Heb 12:1-2). Hulle moet ook die Christen lewe, 'n lewe van gehoorsame geregtigheid, demonstreer deur heiligeheid en vreugde (Matt 5:2-12; Rom 12:1-2; 2 Kor 7:1; Heb 12:14; Tit 2:11-14; 1 Joh 3:1-10).

5. DIE KERK

5.1 Die gesag oor die kerk en leierskap in die kerk

Ons verkondig dat die hoogste gesag in die kerk Jesus Christus is (1 Kor 11:3; Ef 1:22; Kol 1:18) en dat kerkleierskap, gawes, orde, dissipline en aanbidding daargestel is deur Sy soewereiniteit soos ons dit in die Skrif vind. Die Bybelse mandaat is kerkleiers wat onder Christus oor die gemeente dien as ouderlinge (Hand 20:28; Ef 4:11) en indien nodig, diakens. Ouderlinge moet aan Bybelse voorskrifte voldoen (1 Tim 3:1-7; 1 Tit 1:5-9; 1 Pet 5:1-5). Net so ook diakens (1 Tim 3:8-13)

Ons verkondig dat hierdie leiers soos diensknegte van Christus lei en heers (1 Kor 4:1-2, 11:1; 1 Tim 5:17-22) en dat hulle gesag vanaf Hom ontvang het om die kerk te lei en te rig. Die gemeente moet hulle aan hul leierskap onderwerp (Heb 13:7, 17).

5.2 Die ontstaan en samestelling van die kerk

Ons verkondig dat die ontstaan van die kerk, die liggaam van Christus, op Pinksterdag plaasgevind het (Hand 2:1-21, 38-47) en sy volheid sal bereik met die komst van Christus tydens die wegraping wanneer Hy dié wat aan Hom behoort sal kom haal (1 Kor 15:51-52; 1 Thes 4:13-18).

Ons verkondig dat die kerk 'n Christus-ingestelde geestelike instelling is, wat uit al die wedergebore gelowiges bestaan (Ef 2:11-3:6). Die kerk is in teenstelling met Israel (1 Kor 10:32) 'n geheimenis wat nou eers geopenbaar is (Ef 3:1-6; 5:32).

Ons verkondig dat almal wat hul geloof in Jesus Christus vind onmiddellik deur die Heilige Gees in een verenigde geestelike liggaam, die kerk, geplaas word (1 Kor 12:12-13). Die kerk is die bruid van Christus (2 Kor 11:2; Ef 5:23-32; Op 19:7-8), waarvan Christus die hoof is (Ef 1:22; 4:15; Kol 1:18).

Ons verkondig dat die vestiging en voortbestaan van plaaslike gemeentes duidelik omskryf word in die Nuwe Testamentiese geskrifte (Hand 14:23, 27; 20:17, 28; Gal 1:2; Fil 1:1; 1 Thes 1:1; 2 Thes 1:1) en dat een gemeente aangeraai word om saam te snoer met ander plaaslike gemeentes (1 Kor 11:18-20; Heb 10:25).

Ons verkondig die outonomie van die plaaslike gemeente, vry van eksterne gesag of beheer, met die reg tot selfbestuur en vry van enige inmenging van

enige hiérargieë, individue of organisasies. (Tit 1:5). Ons verkondig dat daar, volgens die Skrif, van ware gemeentes verwag word om saam te werk vir die aanbieding van en toename in geloof. Elke plaaslike gemeente is egter onder leiding van sy ouderlinge en hul interpretasie en toepassing van die Skrif, die enigste beoordelaar van die mate en metode van samewerking. Die ouderlinge is ook verantwoordelik vir alle ander aspekte soos lidmaatskap, beleid, dissipline, welwillendheid en bestuur (Hand 15:19-31; 1 Kor 5:4-7, 13; 1 Pet 5:1-4).

5.3 Die rol en doel van die kerk

Ons verkondig dat die doel van die kerk is om God te verheerlik (Ef 3:21), dit op te bou in die geloof (Ef 4:13-16), die Woord korrek te onderrig (2 Tim 2:2, 15; 3:16-17), onderling gemeensam te wees (Hand 2:47; 1 Joh 1:3), die twee ordonansies te onderhou (Luk 22:19; Hand 2:38-42) en dissipels te maak deur die evangelie aan die hele wêreld te verkondig (Matt 28:19; Hand 1:8; 2:42).

Ons verkondig die noodsaaklikheid van die kerk om in samewerking met God die doel van Sy werk op aarde te volbring. Vir die rede bemagtig Hy die kerk met geestelike gawes. Eerstens voorsien Hy mense wat gekies is om die heiliges vir die bediening toe te rus (Ef 4:7-12) en Hy skenk ook spesiale geestelike gawes aan elke lid van die Liggaam van Christus (Rom 12:5-8; 1 Kor 12:4-31; 1 Pet 4: 10-11).

Ons verkondig die roeping van al die heiliges tot diens vir die uitbreiding van God se koninkryk (**1 Kor 15:58**; Ef 4:12; Op 22:12). onderrig

Ons verkondig die belangrikheid van dissipelskap (Matt 28:19-20; 2 Tim 2:2), wedersydse verantwoordelikheid van alle gelowiges teenoor mekaar (Matt 18:5-14), asook die disciplinering van lidmate wat strydig met die Woord doelgerig volhard in sonde (Matt 18:15-22; Hand 5:1-11; 1 Kor 5:1-13; 2 Thess 3:6-15, 1 Tim 1:19-20; Tit 1:10-16).

5.4 Praktiese toepassing van die rol en doel van die kerk

Ons beywer ons om God se Woord te verkondig:

- 1) sodat dit gehoor kan word,
- 2) sodat mense kan leer om God te vrees, menende respekteer en eer en erken as die Almagtige Skepper van die hemel en aarde
- 3) sodat die Woord gehoorsaam kan word,
- 4) sodat hulle kan lewe.

Ons doen dit soos verduidelik deur Paulus (Rom 10:9-15)

Ons beywer ons daarvoor om God se Woord verstaanbaar te maak deur die sistematiese verkondiging van Sy Woord.

Ons beywer ons daarvoor om die waarheid toe te vertrou aan getroue manne wat ander ook kan leer (2 Tim 2:1-2)

Ons beywer ons daarvoor om dissipels te maak, dit is leerlinge van die woorde en voorbeeld van Christus, en om Sy geboorie te onderhou (Matt 28:19)

Ons moedig gelowiges aan om die Skrif self te ondersoek (Hand 17:11).

5.5 Die funksie van gawes in die kerk

Ons verkondig dat daar twee soorte gawes aan die vroeë kerk gegee is: Wonderbaarlike gawes van Goddelike openbaring en genesing is tydelik in die Apostoliese tydperk gegee om die egtheid van die apostels se boodskap te bevestig (Heb 2: 3-4; 2 Kor 12:12) en gawes om die Woord te verkondig om sodoende die gelowiges toe te rus om mekaar geestelik op te bou. Met die Nuwe Testamentiese openbaring nou voltooi, word die Skrif nou die enigste toets van geloofwaardigheid vir Bybelse boodskappe. Gawes van 'n wonderbaarlike aard is nie meer nodig om die Bybelse boodskap te bekragtig nie (1 Kor 13: 8-12). Wonderwerke kan deur Satan nagemaak word, wat selfs die gelowiges kan mislei (Matt 24:24; 1 Kor 13:13 - 14:12; Op 13:13-14). Die enigste gawes wat vandag werksaam is, is daardie nie-geopenbaarde gawes wat vir die bediening van God se Woord gegee word (Rom 12:6-8).

Ons verkondig dat niemand vandag oor die gawe van genesing beskik nie maar dat God die gebede van gelowiges vir die siekes, lydendes en verdruktes volgens Sy wil aanhoor en sal beantwoord (Luk 18:1-6; Joh 5: 7-9; 2 Kor 12:6-10; Jak 5:13-16; 1 Joh 5:14-15).

5.6 Die ordinansies van die kerk (doop en nagmaal)

Ons verkondig dat twee ordonansies in die plaaslike gemeente toegelaat word: Die doop en die Nagmaal (Hand 2:38-42).

Ons verkondig dat die Christelike doop deur onderdompeling (Hand 8:36-39) 'n plegtige getuienis is van 'n gelowige wat sy geloof in die gekruisigde, begrafde en opgestane Verlosser bewys asook sy vereniging met Hom in die dood deur sonde en die opstanding tot 'n nuwe lewe (Rom 6:1-11). Dit is ook 'n teken van gemeenskap en identifisering met die sigbare liggaam van Christus (Hand 2:41-42).

Ons verkondig dat die Nagmaal die herdenking van Sy dood is (Luk 22:19) totdat Hy kom en dat dit altyd voorafgegaan moet word deur plegtige selfondersoek (1 Kor 11:28-32).

Ons verkondig dat, alhoewel die brood en wyn fundamenteel is vir die Nagmaal, dit slegs verteenwoordigend is van die vlees en die bloed van die liggaam van Jesus Christus. Nagmaal is egter die werklike gemeenskap met die opgestane Christus wat op Sy unieke manier in gemeenskap met gelowiges is (1 Kor 10:16).

6. ENGELE

6.1 Heilige engele

Ons verkondig dat engele geskape wesens is en dus nie aanbid mag word nie. Alhoewel hulle in 'n hoër orde as die mens geskape is, is hulle geskape om God te dien en te aanbid (Luk 2:9-14; Heb 1:6-7,14; 2:6-7; Op 5:11-14; 19:10; 22:9).

6.2 Gevalle engele

Ons verkondig dat Satan 'n geskape engel is. Hy het die oordeel van God op hom gebring omdat hy teen God in opstand gekom het (Jes 14:12-17; Eseg 28:11-19), deurdat hy tydens sy afvalligheid verskeie engele met hom saamgeneem het (Matt 25:41; Op 12:1-4) en deur sy verleiding van Eva daarvoor verantwoordelik was dat die mens in sonde verval het (Gen 3:1-15).

Ons verkondig dat Satan die openlik verklaarde vyand van God en die mens is (Jes 14:13-14; Matt 4:1-11; Op 12:9-10), dat hy die owerste van hierdie wêreld is en verslaan is deur die kruisdood en opstanding van Jesus Christus (Rom 16:20), en dat hy gestraf sal word en tot in ewigheid in die poel van vuur gewerp sal word (Jes 14:12-17; Eseg 28:11-19; Matt 25:41; Op 20:10).

7. DIE EINDTYD/ESKATOLOGIE

7.1 Die dood

Ons verkondig dat die fisiese dood geen verlies van ons onsterlike bewussyn behels nie (Op. 6:9-11) en dat die siel van die verloste onmiddellik oorgaan in die teenwoordigheid van Christus (Luk 23:43; Fil 1:23; 2 Kor 5:8), dat daar 'n skeiding van siel en liggaam is (Fil 1:21-24) en dat die skeiding sal voortduur tot en met die wegraping (1 Thes 4:13-17), met die eerste opstanding (Op 20:4-6), wanneer die siel en liggaam herenig sal word en vir ewig saam in Christus verheerlik sal wees (Fil 3:21; 1 Kor 15:35-44; 50-54) Totdat daardie tyd kom, sal die siele van die verlostes in Christus in vreugdevolle gemeenskap met ons Here Jesus Christus wees (2 Kor 5:8).

Ons verkondig die liggaamlike opstanding van alle mense, die gereddes tot die ewige lewe (Joh 6:39; Rom 8:10-11, 19-23; 2 Kor 4:14), en die ongereddes tot oordeel en ewige straf en verdoemenis (Dan 12:2, Joh 5:29; Op 20:13-15).

Ons verkondig dat die siele van alle ongereddes na die dood onder straf sal bly tot die tweede opstanding (Luk 16:19-26; Op 20:13-15), wanneer die siel en die opgestane liggaam herenig sal word (Joh 5:28-29). Hulle sal dan voor die groot wit troon verskyn vir die finale veroordeling (Op 20:11-15) en dan in die hel, die poel van vuur, gewerp word (Matt 25:42-46), vir ewig afgesny van 'n lewe saam met God (Dan 12:2; Matt 25:41-46; 2 Thes 1:7-9).

7.2 Die groot verdrukking

Ons verkondig dat die regverdige oordele van God op die ongelowige wêreld

uitgestort sal word (Jer 30:7; Dan 9:27; 12:1; 2 Thes 2:7-12; Op 16) en dat hierdie oordele die hoogtepunt sal bereik wanneer Christus in heerlikheid na die aarde sal terugkeer (Joh 14:1-3; 1 Thes 4:13-18; Matt 24:27-31; 25:31-46; 2 Thess 2:7-12). Dit is die tyd van die eerste opstanding (die opstanding van die Ou Testamentiese gelowiges asook die heiliges wat gesterf het tydens die tyd van die verdrukking). Dit is ook die tydperk waartydens die lewendes geoordeel sal word. (Dan 12:2-3; 1 Kor 15:51-52; Op 20:4-6). Hierdie tydperk sluit die sewentigste week van Daniël se profesie in (Dan 9:24-27; Matt 24:15-31; 25:31-46).

Daar gaan 'n wegraping van die kerk plaasvind (1 Kor 15:51-52, 1 Thess 4:13-18) wat beteken dat ware gelowiges die Here gaan tegemoet gaan in die lug, en so vir altyd saam met Hom gaan wees.

7.3 Die tweede koms en die duisendjarige vrederyk

Ons verkondig dat Christus na die periode van verdrukking na die aarde sal kom om op die troon van Dawid te heers (Matt 25:31; Luk 1:31-33; Hand 1:10-11; 2:29-30) en om Sy Messiaanse Koninkryk van duisend jaar op die aarde te vestig (Op 20:1-7). Gedurende hierdie tyd sal die opgestane heiliges saam met Hom oor Israel en al die nasies op die aarde regeer (Eseg 37:21-28; Dan 7:17-22; Op 19:11-16). Hierdie regering sal deur die oorwinning oor die antichris en die valse profeet, asook die verwydering van Satan uit die wêreld, voorafgegaan word (Dan 7:17-27; Op 20:1-7).

Ons verkondig dat hierdie koninkryk die vervulling van God se belofte aan Israel sal wees (Jes 65:17-25; Eseg 37:21 -28; Sag 8:1-17) om hulle te herstel in die land wat hulle deur hul ongehoorsaamheid verbeur het (Deut 28:15-68). Die gevolg van hul ongehoorsaamheid was dat hulle tydelik eenkant gelaat is, maar dat hulle deur berou en die belydenis van hul sonde weer na die land van seën sal terugkeer (Jer 31:1-34; Eseg 36:22-32; Rom 11:25-29).

Ons verkondig dat hierdie tyd van ons Here se heerskappy gekenmerk sal word deur harmonie, vrede, geregtigheid, regverdigheid, 'n lang lewe (Jes 11, 65:17-25; Eseg 36: 33-38), en sal eindig met die vrylating van Satan (Op 20:7).

7.4 Die oordeel van die verlorenes

Ons verkondig dat, na Satan se vrylating, na die duisendjarige heerskappy van Christus (Op 20:7), Satan die nasies op aarde sal mislei en hulle bymekaar sal maak om teen die heiliges en die geliefde stad oorlog te maak. Dan sal Satan en sy leërmag deur vuur uit die Hemel verswelg word (Op 20:9). Hierna sal hy in die poel van vuur en swael gegooi word (Matt 25:41; Op 20:10), waarna Christus, die regter oor alle mense (Joh 5:22), op die groot wit troon, almal, groot en klein, sal opwek (tweede opstanding) en oordeel.

Ons verkondig dat die ongeredde dooies fisies sal opstaan vir die oordeel en na hul oordeel (Rom 14:10-13) 'n ewig bewuste straf in die poel van vuur sal

uitdien (Matt 25:41; Op 20:11-15).

7.5 Ewigheid

Ons verkondig dat, na die einde van die duisendjarige vrederyk, die tydelike vrylating van Satan en die oordeel oor die ongereddes (2 Thes 1:9; Op 20:7-15), die wat gered is, in 'n ewige staat van heerlikheid met God sal ingaan. Daarna sal die aarde ontbind (2 Pet 3:10) en vervang word met 'n nuwe aarde waarin geregtigheid sal heers (Ef 5:5; Op 20:15; 21-22). Hierna sal die nuwe Jerusalem uit die hemel neerdaal (Op 21:2) en die woonplek wees van al die heiliges waar hulle vir ewig in gemeenskap met God en met mekaar sal wees (Joh 17:3; Op 21-22). Jesus Christus, wat Sy verlossingstaak vervul het, sal dan die koninkryk aan God die Vader oorgee (1 Kor 15:24-28) om vir ewig oor alles te regeer (1 Kor 15:28) sodat God alles in almal kan wees.

8. HUWELIK

Pretoria Christen Gemeente sien die huwelik as 'n deel van God se algemene genade. God is dus die een wat die huwelik definieer en dit aan ons voorhou as 'n eksklusieve eenwording tussen een natuurlik-gebore man en een natuurlik-gebore vrou.

Die huwelik is onderworpe aan die vloek van die sondeval, maar gelowiges wat in gehoorsaamheid aan die Skrif en onder die invloed van die Heilige Gees leef, kan wel 'n vreedsame, produktiewe, en vervullende huwelik ervaar.

Ons verkondig dat gelowiges met gelowiges moet trou en die verhouding tussen Christus en Sy gemeente illustreer soos uiteengesit in Efesiërs 5:22-33 en 1 Kor 7:39.

Die huwelik is 'n publieke, formele en amptelike verbond tussen een man en een vrou.

Verleng tydperke van saambly asof getroud bewerkstelling nie en is nie ekwivalent aan 'n bybelse huwelik nie (Joh 4:18). Waar daar nie so 'n verbond bestaan of onderskei kan word tussen 'n paartjie wat saamgebly het voor wedergeboorte nie, beveel ons aan dat die gesins-struktuur sovér moontlik gepreserveer word en 'n huwelik so gou moontlik voltrek word.

God haat egskeiding (Mal 2:16) en laat dit net toe waar daar seksuele sonde voorgekom het en daar geen berou betoon word nie (Matt 19:9), of waar 'n gelowige en ongelowige reeds in die huwelik verbind was en die ongelowige die huwelik wil beëindig (1 Kor 7:15-16).

'n Geskeide persoon mag weer trou (met 'n ander gelowige) indien die voorafgaande egskeiding op bybelse gronde was.

Ons verkondig dat 'n homoseksuele verhouding vir God 'n gruwel is en dat hy dit veroordeel (Rom 1:26-27; 1 Kor 6:9-10; 1 Tim 1:8-11), maar as Christene

bewys ons welwillendheid en respek aan alle mense en verwerp haatdraende optrede en woorde. Om die Skrif getrou te verkondig en mense tot bekering van sonde op te roep, is nie haatspraak, of haatdraende of teisterende optrede nie, maar is wel 'n fundamentele deel van die kerk se boodskap na die wêreld.

9. HOE OM 'N CHRISTEN TE WORD

Jy is 'n slaaf van sonde (Joh 8:23; Rom 6:15-23) of 'n slaaf van Christus (1 Kor 7:22). As slaaf van Christus dien ons ons Here Jesus Christus vrywillig en uit liefde.

9.1 Wedergeboorte

Niemand kan die koninkryk van God sien as hy nie wedergebore is nie (Joh 3:3)

9.2 Bekering

Om Jesus Christus as jou Heer en Verlosser te erken en aan te neem, is die belangrikste besluit wat enigiemand ooit kan maak.

1. Jy moet erken dat jy 'n hopeloze **sondaar** in God se oë is en Hom as Redder nodig het (Rom 3:23).
2. Jy moet met jou hart glo en met jou mond bely (Rom 10:9-10) dat **Jesus Christus** aan die kruis gesterf het, dat Hy die Redder is wat jy nodig het (1 Pet 3:18), dat Hy uit die dood opgestaan het en die sonde oorwin het (Rom 4:5; 1 Kor 15:3-4).
3. Jy moet berou hê oor jou sondes en dit **bely** (Rom 2:4), erken dat Jesus Christus Here oor jou lewe is (Rom 10:9-10), glo dat Hy as God jou sondes kan en wil vergewe (Joh 1:1, 12; Mark 2:1-12) en jou die ewige lewe kan skenk.

9.3 Hoe lyk ware reddende geloof

1. Jy is 'n nuwe skepsel (2 Kor 5:17)
2. Jy toets jouself of jy in die geloof is (2 Kor 13:5). 'n Boom word aan sy vrugte geken (Matt 7:17-20). Nie almal wat sê "Here! Here!" sal die koninkryk beérwe nie (Matt 7:21-22)

Dit is 'n persoonlike besluit tussen jou en God en ons sal graag saam met jou wil bid en jou ondersteun in hierdie belangrike saak. As jy hierdie besluit neem, of die behoefté het om meer daarvan te weet, skakel of praat asseblief met een van die ouderlinge van die gemeente.